



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlm LXXIII. Si justus.

[urn:nbn:de:hbz:466:1-62587](#)

1. Si plures tanquam Correi vna sententiâ damnati sunt, unus appellare potest, altero non appellante.
2. Et in hoc casu si appellans vincatur, id alteri etiam parti prodest.
3. Sententia appellationis prodest omnibus Correis in eadem causâ per eandem sententiam condemnatis. Secus contingit in sententia lata contra eos in prima instantia, nisi communia eorum incorporalis & indiuisibilis sit.
4. Sententia condemnatoria lata contra unum, non semper nocet alteri Correo.

Not. I. Si plures tanquam correi vna sententiâ damnati sunt, unus appellare potest, altero non appellante.

Not. II. Licet res inter alios aetate in iudicio alteri non prodat aut obicit, regulariter loquendo c. pensul. de re. & sent. jud. gl. in c. dilecto. 25. de probendis. verb. non obicitur, tamen excipi debet casus iste, si unus eorum, contra quos in causa communi sententia lata fuit; appellat, & in causa appellationis vincat, etiam alteri id prodest.

Quare discrimen est inter sententiam latam in prima instantia, & latam in secunda instantia seu causa appellationis, quod illa pro uno lata ordinariè se non extendat ad alterum, etiamsi utriusque eadem causa sit, quia uterque eodem modo v. g. contraxit, aut fide jussit, nisi res, circa quam utriusque causa versetur, incorporalis & indiuisibilis sit. v. g. seruitus itineris l. loci. 4. §. Si fundus. ff. Si seruitus vindicetur: vbi DD. aiunt: quod sententia lata in confessoria pro uno vicino, prodest etiam aliis vicini eadem causam habentibus, videlicet quod per agrum ire vel cursus agere ipsi licet.

At verò sententia appellationis prodest omnibus correis, si in eadem causa pereantem sententiam condemnati fuerant. Ratio patet ex dictis, quia etiam sententia Iudicis jus quoddam incorporale & indiuisibile est, ita ut non possit esse partim vera, partim falsa, aut partim justa, & partim iniusta. cum itaque sententia appellationis pro ob-

jecto habeat sententiam prioris instantiae, sequitur, quod sententia appellationis lata pro uno, etiam aliis correis seu eadem sententia prior in eadem causa condemnatis prodat.

Veruntamen si unus contra sententiam prius latam obtineat ex jure speciali. v. g. per viam restitutionis in integrum, quia minor est, tunc victoria alteri non prodest, præterquam si agatur de re incorporali & indiuisibili. v. g. jure pascendi, quod commune est pupillo & non pupillo. hoc casu si pupillus, vel minor natu contra sententiam post descendium restituatur, etiam alteri hoc beneficium per accidens seu concomitanter prodesse debet, arg. l. Si communem. 10. ff. quemadmodum seruitus amittatur, vbi docent DD. quod in re indiuisibili socius per socium privilegium obtineat, quod per se obtinere non posset. Et ita docet Abb. hic. n. 4. gloss. in l. unic. verb. patrocinari. C. Si in una eademque causa: vbi ait: si pluribus in negotio aliquo transigentibus, unus obætatem restituatur tanquam laesus, aliis non prodesse juxta ait. l. Quia restitutio in integrum personale præsulatum est. Excipendum vero esse, si obiectum transactionis sit jus indiuiduum. v. g. seruitus itineris.

Ad extreum aduerte, tametsi in supradictis casibus sententia lata pro uno, prodest alii correi non tamen consequens esse, quod lata contra unum semper noceat alteri correo, quoad condemnationem, sicuti constat ex c. Interrogatum. 24. causa 2. q. 5. c. significasti. s. de adulterio. v. g. si mulier confessa adulterium cum Titio, damnata sit, id solum non sufficit ad damnandum Titium. Ratio est, quia fieri potest, ut unus Corrum ex motu, vel errore confessus sit, aut falsis testibus conuictus, aut imperitiâ vel odio Iudicis condemnatus, consequenter alteri defensio sua adimi non debet.

CAPITVLVM LXXIID

Si justus.

PARAPHRASI

Si motus grauis seu cadens in virum conditum d

stantem impedit aliquem, quo minus à sententia interlocutoria, vel definitiva appellat, is coram Iudice protestari potest, quod ob talen causam seu gravamen appellare vellet, nisi prohiberetur; aut si coram Iudice non potest, vel non audet protestari, protestationem hanc faciat coram viris honestis, tunc verò perinde haberi debet, ac si appellasset, dummodo talis protestatio facta sit intra decem dies post sententiam, aut gravamen illatum.

SUMMARIUM.

1. *Quid agendum, si gravatus à Iudice coram ipso appellare nequeat?*
2. *Protestatio facta coram Iudice, vel si ea fieri non potest, coram honestis viris, æquivalet appellacioni, cuius etiam naturam imitatur.*

Questio est. Si quis gravatus à Iudice coram ipso appellare non possit, quid agendum? Respondeo, &

Dico 1. Si plures Judices sint, qui omnes judicare debent, coram omnibus simul congregatis appellatio facienda est, quod si omnium copia haberi non possit, satis est, si fiat coram parte maiore, & aliis postea intimetur, qua de re vide Clement. I. p. 11.

Dico 2. Si nec maior pars haberi possit, & generatim loquendo, si appellatio coram Iudice à quo fieri nequeat, appellari debet coram Iudice ad quem. c. Biduum. 5. §. Si quis. cap. 2. q. 6. & n. 1. Gl. ibid. verb. Coram Ipsi. Innoc. bic. & And. u. 5. & videri potest Franc. b. tit. in 6.

Dico 3. Si nec Iudicem ad quem habere aliquis possit, tunc appellat coram viris honestis, aut uno honesto, exhibitis & testibus, sicut hic docet Abb. n. 3. Gl. in c. 4. verb. Literie. de elect. 6. aut coram notario, qui testibus exhibitis scripturam super hac re conficiat, teste Alexand. hic n. 9.

Dico 4. Si metus justus accedat, quo minus aliquis coram Iudice appellat, satis est protestari, seu coram Iudice ipso,

seu coram viris honestis, ut hinc dicitur & in l. 2. C. de his, qui per metum Iudicis non appellaverunt.

Not. vnic. Protestatio facta coram Iudice, vel si ea fieri non potest, coram aliis honestis viris, æquivalet appellacioni, quemadmodum imitatur naturam eius, ut etiam intra decem dies facienda sit.

EODEM TITULO IN VI.

CAPITVLVM I.

Cordi.

PARAPHRASIS.

Innoc. IV. in Lugdunensi Generali Concilio ad lites & molestias litium minuendas statuit, si quispiam intra, vel extra judicium ab interlocutoria, aut gravamine aliquo appellare velit, causam appellandi in scripto designet, postea Apostolos petat, qui & à Iudice tradendi erunt, in iisque literis causa appellandi exprimatur, & num appellatio admissa sit, an refutata, aut forsitan appellacioni duntur, ob reverentiam Superioris delatum. postea termino secundum locorum distantiam & negotii qualitate in constituto appellanti, intra quem appellacionem prosequi debeat; si appellatus ita voluerit, aut petiverit, personæ principales per seiphas, vel per procuratores instructos cum mandato ad agendum & monumentis atque actis ad causam pertinentibus accedant ad Sedem Apostolicam, ita parate & instructe, ut, si Pontifici videbitur post expeditum appellacionibus articulum, vel ex partium consensu intermissum, in causa principali cognoscenda & definienda procedatur, tunc de jure fieri potest, & debet; si tamen, quæ circa appellaciones à sententiis definitivis antiquitus statuta sunt, nequam immutatis; sin verò appellans ea, quæ supra dicta sunt, non observet, perinde